

第六節 菱池開拓

⑥ 菱池碑 (所在地 幸田町大字菱池字菱池)



### 菱池開拓碑

三河國額田郡菱池開墾之業既成也以客歲五月八日落其成是日我愛知縣知事勝間田君臨焉有祝詞今譚其詞以代碑文是應神野氏之請也其詞曰我日本建國之爲風也以農爲本則拓不毛起荒蕪以播殖地產實爲一國經濟之急務我尾張國愛知郡名古屋富商神野金之助爰開墾三河國額田郡菱池其業既成乃將卜本日行竣功之式請余之臨場余於其志業深賞贊之乃特親臨以祝之且使名新田稱神野夫爲菱池開墾之業也振古以來往々雖有爲之計畫者支障百出未爲官民所許然而本郡及碧海幡豆三郡中六十有九村常被水旱之兩害雖然維新以前各藩之封土旗下之采邑犬牙錯雜故適一部改修左支右拮不能輒爲之雖維新以後因循苟且徒經過星霜焉至明治十三年官始畫改修之策然其可改修者不一而足大約關係於十有六村而皆各爲不可相離之工事加之計其工費亦要十有餘萬金故暫埃衆心歸嚮之時延至十六年遂集合巨多之民資於是故愛知縣令國貞廉平命前土木課長黒川治愿治愿使土木課員荒木謙三伊藤正中野莊一山田熊三郎加藤直之等董督其工事一舉以全改良之功爾後於是灌溉之便疏通之利兩得其宜矣殊爲菱池之水脈廣田河者廢其堰隸而河底之低下比諸前日幾乎數尺池水爲之涸落是以縱令有洪水無復滿溢汎濫之患而欲使開墾其池數而普謀諸公衆甲謝乙辭不能如之何於是神野氏奮起當之一臂獨力竟能墾闢此五十餘町之美田矣蓋所以得此美田者固雖因曩之改修之功然微神野氏奮發之力今日安能得至斯乎哉嗚呼神野氏志業功勞可不謂偉矣乎而今而後余所望者在益養成地力以不墮耕耘是豈獨爲神野氏望之而已哉亦所以謀國家之鴻益也此工事也額田郡長針谷重懋及郡吏寺井明延與而亦有力焉

明治二十季五月

愛知縣知事從五位勝間田稔篆額

愛知縣名古屋區平民 神野金之助建碑

同縣同區 士族 和田重善撰文

同縣同區 同 鈴木重遠書